

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

Dominica VII. post Trinitatis.

v.ult. Ps.110. v.1. intelligenda igitur sunt verba secundum subjectam materiam. Jam autem de odio Christus loquitur, quod mortale peccatum, & eterna poenam dignum

est, Gal.5. v.21. Quocirca non de purgatorio, sed de inferno carcer hic intelligendus erit, ex quo nulla redemptio, Ps.49. vers.15.

*Dominica VII. post Trinitatis.**Evangelium Marc. 8 vers. 1. 9.*

Cum Israelitae in deserto flagrarent desiderio carnium, & murmurantes contra Mosen dicerent: Quis dabit nobis carnes ad velendum? recordamur pisces, quos comedebamus in Aegypto, &c. audiebat Deus murmur eorum, & dixit ad Mosen: Præcipe populo, ut sanctificentur in crastinum. Dabo vobis carnes, ut comedatis non uno die, neque duobus, vel quinque aut decem, nec viginti quidem, sed per totum mensem, donec exeat per narres vestras & vertatur in nauseam. Hoc Moysi impossibile videatur, & proinde sic insit ad Dominum: Sexcenta millia peditum hujus populi sunt, & tu dicis: dabo eis esum carnium mense integrum? nunquid ovium & boum multitudo cedatur ut possit sufficere ad cibum, vel omnes pisces maris in unum congregabuntur, ut eos satient: cui respondeat Dominus: nunquid manus Domini invalida est? Jam nunc videbis, utrum meus sermo opere compleatur. Et ecce ventus egrediens à Domino abripuit coturnices mari, & in castra Israelitarum demisit, Num. 11.v.4.18. seqq.

Parem ferè historiam habemus in praetato Evangelio. Convenientia est

1. *In cibatione*, utramque Christus perfecit, 1. Cor. 10. v.4. & quidem insigni miraculo. Ibi coturnices adduxit: hic panes multiplicavit, ut plus in residuo manserit, quam ante in parato aderat.

2. *In dubitatione*. Sicut enim Moysi ibi dubitabat, & cibationem populi Israelitici propter copiosam multitudinem impossibile judicabat, quamvis iamtum viderat, panem cœlitum depletum, & aquam de saxo profluentem, Exod. 17. vers. 6. Ita hīc dubitant Apostoli dicentes: Unde sumemus panes in deserto, ut saturemus turbam hanc copiosam? cum tamen ante vidissent, quod quinque panibus hordeaceis quinque virorum millia cibaverat, Joh. 6.v.12.

3. *In loci conformatione*. Utrumque enim miraculum in deserto peractum est, quod facit ad majorem splendorem miraculi, Deus enim quām libentissimè auxiliatur, cum media nulla humana suppetunt, ut omnes uno ore fateantur: hoc Dei opus est, Ps. 64. v.10.

Nos ad manus sumemus ipsam historiam, & tribus membris totam concionem includemus.

I. Videbimus Christi clementiam.

II. Apostolorum diffidentiam.

III. Miraculi excellentiam.

J.J.

EXEGESIS.

Lauda Jerusalem Dominum, lauda Deum tuum Sion, quoniam confortavit

tavit seras portarum tuarum, posuit fines tuos in pacem, & adipicere tritici satiat te, mittit eloquium suum terræ, velociter currit sermo ejus, inquit Psalmographus Ps. 147. v. 12. 13. 14. 15.

Quibus verbis admonemur ut Deum celebremus propter duplēm cibationem, spiritualem & corporalem. Primo enim mittit verbum suum, quo animam nostram cibat, ne æternâ fame pereamus. Deinde etiam corpus nostrum pascit adipe frumenti, dat pacem finibus nostris, confortat membra portarum nostrarum contra hostes, ut possit terra coli, & panis ex ea produci. Utrumque cibi genus in hodierno nobis proponitur Evangelio. Nam postquam Christus turbam præsentem per tres dies epulis spiritualibus cibaverat, corporaliter etiam ipsos pascit, ut ostendat, tam corporis quam animæ cibum ab ipso tanquam mediatore, cui omnia in manus tradita sunt, expectandum esse.

Notandum igitur hunc

I. *Populi fervor*, quem probat

x. *Copia*. Apud nos pauci admodum rari & interdum nulli conveniunt, plerique onus est verbum Dei, quod nolunt audire, Jer. 23. v. 38.

2. *Industria*. Nam de longinquò veniunt, & per integrum triduum apud Christum commorantur, rei familiaris curam planè seponentes. Nos vix ægrè pedem domo efferimus, cum tamen apud nos propè sit verbum, Rom. 10. vers. 8. & si vel maximè templum ingredimur diebus solis, hora una nobis integro die aut mensē longior esse videtur, ut finem expectare non possimus, sed vel sub medium concionis nos subducimus, vel preces tamen & benedictionem sacerdotalem floccipendentes domum

properamus. Ita nimis pietatis fervor in animis hominum refixit, domus Dei deserta est, currit quisque in domum suam, Hagg. 1. vers. 9. & plus amat sues, Marc. 5. vers. 17. & boves, Luc. 14. vers. 19. & opes, Matth. 19. vers. 22. quam verbum Dei, quod est tamen thesaurus, qui non perit, Matth. 6. v. 20. & promissionem habet hujus & futurae vitæ, 1. Tim. 4. v. 8. Certè Regina Austri & plebecula hæc surgent in novissimo die, & accusabunt nos, Matth. 12. v. 42.

II. *Christi amor*, qui est

1. Intensivus. Cum enim Christus videt populi zelum & concomitantem inopiam, omnia viscera ejus commoventur. Non enim habemus Pontificem, qui non possit affici sensu calamitatum nostrarum, Ebr. 4. vers. 15. sed qui miseretur nostri sicut Pater, Psal. 103. vers. 13. & sicut mater, Isa. 49. v. 15. est enim Pater misericordiarum & omnis consolationis, 2. Cor. 1. vers. 3. cuius viscera conturbantur & ad misericordiam ipsum addigunt, Jer. 31. v. 20.

Fluit ex hoc fonte larga consolatio. Eget quis inter nos, & in miseriis hæret? non abjiciat animum. Habemus Christum σπλαγχνιζομένον, qui videt afflictionem & laborem nostrum, & adjutorem se præstat opportunum, Ps. 9. v. 10. accedit igitur Vos mei cum fiducia, ut misericordiam consequamini, Ebr. 4. v. 16.

2. Effectivus. Non enim vult auditores suos iricenatos dimittere, ne fortè in via deficiant. Antequam peterent, videt ipsorum penuriam, nec solum videt, sed etiam misericordiā tangit, nec solum misericordiā tangit, sed etiam de auxilio ferendo cogitat. Quid faciet rogatus, si hoc fecit nemine rogante vel desiderante? quid faciet in statu Exaltationis, si hoc fecit in

statu exinanitionis? Est enim adhuc frater noster, & ad dextram Patris interpellat pro nobis, Rom. 8. v. 34. O confidite dilecti in omnibus necessitatibus. Salvatorem habemus, qui non tantum habet cor misericors, sed & manus omnipotentes, quæ superabundanter facere possunt ultra id quod peritus & intelligimus, Eph. 3. v. 20. Opus tamen est, ut populum hunc imitemur 1. Christum sequendo. 2. verbum audiendo, 3. in devotione permanendo. Nam mitericordia parata est timentibus ipsum, Ps. 103. v. 17. Luc. 1. v. 50.

De Secundo.

Vidiimus Christi clementiam, videbimus etiam *Apostolorum dissidentiam*. Postquam enim Christus animum & consilium suum aperuisse, dissident illi cibationem populi tribus argumentis:

1. *Propter cibi paucitatem.* Nihil enim habent præter septem panes, quibus ipsi indigebant, & proinde in alios distribuere supervacaneum existimabant. Ita nos pendumus ab externis mediis, quæ præ oculis & manibus versantur. Si deficiunt, mox exclamamus: Septem panes quid inter tam multos? verum stultis istis & profanis cogitationibus præsens hoc miraculum opponamus. Opponamus exempla Israelitarum in deserto, Ex. 16. v. 14. Eliæ, 2. Reg. 4. v. 5. 43. Sa-zeptana, 1. Reg. 17. v. 14. Opponamus indubitatas promissiones divinas, Ps. 33. v. 19. 37. v. 25. Isa. 30. v. 20. Ebr. 13. v. 5. Has promissiones Deus dedit qui est ipsa veritas, & cuius verbum est veritas. Cœlum & terra transibunt, verba autem mea non transibunt, inquit Christus, Luc. 21. v. 33.

2. *Propter loci sterilitatem.* Putant enim, si vel maximè tantum pecunia super sit,

quantum ad cibandum hunc populum requiratur, tamen in deserto panes nullos venum expositos esse, quibus saturerent tot stomachi famelici. Tales nobis etiam quandoque obrepunt cogitationes, cum ager sterilescit vel propter bellicos tumultus, vel etiam propter aeris inclemenciam. Sed nolite animum abficere, Deus in deserto 40. annis pavit Israelitas absque satione & absque messe, Deut 8. v. 16. pascet etiam nos, & non permitte aliquem suorum fame perire, Ps. 145. v. 15. 16.

3. *Propter populi numerositatem.* Hec multos adhuc hodie vexat tentatio, quando familiam suam contemplantur, & multos insuper liberos habent, quibus victum & amictum suppeditare coguntur. Noli desperare: Dives est Deus noster super omnes qui invocant ipsum, Rom. 10. vers. 12. in hunc jacta curam tuam, Ps. 55. v. 23.

Er gibt mehr auf einen Tag/
Dann ein ganz Kaiserthum vermag/
Noch ist er so ein reicher Gott/
Ze mehr er gibt, je mehr er hat.

Si igitur habes multos liberos, fac multum orent, & Pater cœlestis, qui audit pullos corvorum invocantes eum, audiet etiam preces liberorum tuorum Pl. 147. v. 9. nam ex ore infantum & lactentium perficit sibi laudem, Psal. 8. v. 3. qui dedit ipsis vitam, victum & vestes non denegabit, Matth. 6. v. 25. parvos & magnos creavit, & æqualem pro omnibus curam gerit, Sap. 6. v. 8.

Josephus in Ægypto Patri & fratribus dat bat possessionem, singulis tamen pro numero liberorum, Gen. 47. v. 12. Multò magis Deus respiciet liberos, & piis parentibus tantum dabit, quantum ad alimentandos liberos sufficiet. Hinc Lutherus in glossa

margi-